

Universitätsbibliothek Paderborn

**Disputationum// Roberti Bel-/Iarmini Politiani,// Societatis
Iesv// De Controversiis// Christianae Fidei, Adver-/sus
huius temporis Haereticos,// Tomus ...**

De Sacramento Evcharistiæ - Sex Libris Explicata

Bellarmino, Roberto Francesco Romolo <Heiliger>

Ingolstadii, [1589]

VD16 B 1603

XXIX. De veneratione huius Sacramenti.

[urn:nbn:de:hbz:466:1-54113](https://nbn-resolving.de/urn:nbn:de:hbz:466:1-54113)

nus, & Heschius. Ceteri autem Lutherani qui concomitantiam non negant, ex alio perniciose errore petunt utramque speciem, quia nimur existimant iure diuino esse præcepta, & propterea totam Ecclesiam à longo tempore in hac re turpiter errasse; quod nullo modo fieri potest. Cum igitur Ecclesia certa fide teneret in qualibet specie totū esse Christum, & utrum eiusdem Ecclesiæ non posse esse erroneum, meritò ob huius grauissimi erroris detestationem non permisit abrogati conluctudinem vnius speciei.

TERTIO mouit Ecclesiam vuniformitas, & concordia populi Christiani in Sacramento hoc percipiendo, quod est Sacramentum pacis, & ynitatis. Nam si in una specie detur Communio, in toto orbe terrarum poterit esse idem vius, ut modò videmus in Ecclesia Catholica toto orbe dispersa: at si libera esset Communio, vel sub utraq; specie imperaretur, nō posset illo modo seruari vuniformitas. Nam qui vinum non ferunt, & abstemij, & qui vinum comparare non possunt, nisi difficeret, cogerentur aut nunquam, aut rarissime communicare, aut unam speciem vel inuiti accipere, cum interim alij sub utraque frequentissime communicarent, quæ certè magna inæqualitas esset. Ex quo etiam nonnulli rectè colligunt, quod si Dominus voluisse Communionem sub utraque esse necessariam omnibus, non instituisset Sacramentum in pane, & vino, sed in pane, & aqua, ut esset materia facilis, & in promptu in qualibet regione. Nam alioqui possent Boreales prouinciae, & aliae, vbi vinum non inuenitur, existimare, se Christo curæ non fuisse, aut nō ita, ut alias prouincias, quando Sacramentum instituit.

QUARTO mouit, & quidem vehementer, irreuerentia, & prophanationesanti Sacramenti, quæ vix euitari possent in tanta fidelium multitudine, si omnibus daretur utraque species, ut supra demonstrauimus.

C A P V T XXIX.

De veneratione huius Sacramenti.

DOCTREMA controuersia restat de veneratione sanctissimi Sacramenti; quæ quidem breuissimè disputabitur, quod magna ex parte dependeat ab his, quæ iam dicta sunt.

Ooo 2

Quod

Quod igitur ad adorationem attinet, Sacramentarij omnes negant, Sacramentum adorandum, & idololatriam appellant eiusmodi adorationem, ut patet ex Caluinō lib. 4. l. iii. cap. 17. §. 35. & alibi. Neque id mirum videri debet, cum ipsi non credant Christum reipsa esse præsentē, & panem Eucharistia reipsa nihil esse nisi panem ex fурno. Quare Clebitius in libro de Victoria veritatis, & ruina Papatus Saxonici 3. parte, arguit, docet, ex Lutheranorum sententia, qui agnoscunt in Eucharistia verum Christi corpus, necessariò sequi adorationem concedendam. Et Ministri Tigurini in Apologia, edita anno M. D. XLV. contra ultimam Lutheri Confessionem, aperte fatentur, se cum Catholicis fideliter adoraturos Sacramentum, si crederent ibi esse verum Domini corpus.

Porrò Lutherani distinguunt de adoratione; vel enim adoratio in vsu Cœna Domini, vel extra eum, ut cum defertur Eucharistia honoris gratia per plateas cum facibus, & hymnis. Et quidem extra usum, omnes ferè clamant idolatriam esse illam adorationem. Vnde Lutherus in lib. ad Vallenses vehementer agit contra processionem, quæ fit in festo corporis Domini.

De adoratione autem in usu, non eodem modo loquuntur omnes. Nam alij simpliciter damnant eam adorationem, etiam si credant ibi esse corpus Domini verè, vt Lutherus in libro de Eucharistia ad Vallenses, Philippus in iudicio suo de Cœna Domini, quod edidit anno M. D. LIX. quando iam Sacramentarius magna ex parte factus erat. Itē Illyricus in Confess. Antuerpiensi, & Apolog. eiusdem Confessionis, cap. 14.

Alij tamen in usu Cœna contendunt Christi corpus esse adorandum, vt idem Lutherus in formula Missæ; & in libro de verbis: *Hoc est corpus meum*, & alibi. Bucerus in actis colloquij Ratisponensis, Ioan. Brentius in Apologia pro Confessione Virtembergensi pericope 2. Kemnitius in 2. parte Examen Tridentini Concilij, sess. 13. cap. 5. vbi tamen more suo infirmum mendacium admiscet, nullum esse, qui dubitet an Christi corpus in Cœna sit adorandum, nisi qui cum Sacramentarij assineget, aut dubitet in Cœna verè Christum esse præsentē. Sed hoc mendacium redarguit abundè Illyricus cum aliis, qui cum Sacramentarios acerrime oppugnant, negant tamen Christum in Eucharistia esse adorandum.

Tametsi autem posteriores isti auctores concedant Christum in Eucharistia esse adorandum.

stum in Eucharistia esse adorandum: ut tamen à Catholicis, sicut in modo loquendi dissentiant, negant Sacramentum Eucharistiae esse adorandum, & eo nomine Catholicos reprehendunt, quasi ἀρτολατρεῖαν doceant, quia Sacramentum ipsum absoluē dicimus adorandum. Vide Kemnitium, & Brentium, loco citato, & Tilmannum Heshusium in lib. de erroribus Pontificiorum, tit. 17. errore 21. & 22.

SED hæc mera calumnia est. Catholici enim cùm negent panem in Sacramento remanere, quomodo possint asserere ἀρτολατρεῖαν, id est, panis adorationē? Neq; nullus Catholicus est, qui doceat ipsa symbola externa per se, & propriè esse adoranda cultu latrīæ, sed solūm veneranda cultu quodam minore, qui omnibus Sacramentis conuenit, cultu autem latrīæ dicimus per se, & propriè Christum esse adorandum, & eam adorationem ad symbola etiam panis, & vini pertinere, quatenus apprehenduntur ut quid unum cum ipso Christo, quem continent. Quemadmodum, qui Christum in terris vestitum adorabant, non ipsum solūm, sed etiam vestes quodammodo adorabant, neq; enim iubebant eum vestibus nudari, antequam adorarent, aut animo, & cogitatione separabant a vestibus, cùm adorarent: sed simpliciter Christum, ut tunc se habebat, adorabant; tametsi ratio adorandi nō erant vestes, immò nec ipsa humanitas, sed sola diuinitas.

De modo autem loquendi, fatemur Sacramentum ipsum dici adorandum, ut Concilium Tridentinum loquitur: sed hoc exponitur dupliciter. Qui enim sentiunt Sacramentum Eucharistiae formaliter esse corpus Christi, ut est subillis speciebus, concedunt etiam formaliter Sacramentum dici adorandum: qui autem docent Sacramētum Eucharistiae formaliter esse species panis, & vini, ut Christum continent, illi docent consequenter Sacramentum Eucharistiae materialiter adorandum. Sed quidquid sit de modo loquendi, status quæstionis non est, nisi an Christus in Eucharistia sit adorandus cultu latrīæ.

His præmissis, probatur Christum in Eucharistia esse adorandum hoc argumento. Deo vero debetur adoratio latrīæ, Deuter. 6. & Matth. 4. Dominum Deum tuum adorabis, & illi soli servies. Christus autem ut est in Eucharistia, siue in vsu, siue extra, est Deus verus, ut omnes fatentur; igitur adorandus est cultu latrīæ.

Ad hoc argumentum respondent Lutherus, Illyricus, & Caluinus. PRIMO, negando consequentiam; quia Christus adorandus quidem est, sed ubi ipse iubet se adorari, siue ubi ut adoretur, nimis in cœlo. In Eucharistia autem non ut adoretur, sed ut manducetur; non enim ait; Accipite, & adorate; Sed; Accipite, & manducate.

SECUNDO respondent, Christum quidem esse adorandum, sed non esse in Eucharistia Christum, sed corpus Christi, nec esse idem corpus Christi, & Christum.

SED ista triuola sunt. Nam IN PRIMIS adoratio Deinon est alligata certo loco, ut patet Ioan. 4. sed ubique Christus adorari potest, & debet, quando cum eo tractare debemus: non enim conuenit illi adoratio, quia in cœlo est, vel in alio loco, sed quia est Deus. Praeterea non erat Christus quondam in praesepi, ut adoretur, sed ut membra eius ibi requiesceret, & tamen Magi illum in praesepi adorarunt, Matth. 2. sic etiam cum ambularet in terris, non ambulabat, ut adoretur, sed ut doceret, & tamen passim adorabatur, ut Matth. 8. 9. 14. 15. 20. Ioan. 9. & alibi. Et quando hic in terris Principes aliquod profiscuntur, non eunt ad eum finem, ut ab occurrentibus salutentur, & tamen nemo illis occurrit, quin se eis proficeret, ac reuerenter salutet. Quare aduersarij pluris faciunt Principem terrenum, immò quemlibet amicum suum, quam Christum, cum solum Christum sine ullo honore excipiatur, nec dignentur ei assurgere, nisi expresè id eis præcipiantur. ADDE, quod licet non sit primaria ratio institutionis Sacramenti, ut Christus ibi adoretur, tamen etiam ista ratio quondam fuit, ut haberemus Christum magis præsentem, & ut præsentem honoraremus: vnde Eusebius Emilianus homil. de Paschate, dicit institutum esse Sacramentum hoc, ut colatur Christus iugiter per mysterium.

ALTERA solutio planè est impia, & Nestoriana. Nam etiamsi non esset nisi corpus Christi in Eucharistia, tamen adhuc adorari deberet ab iis, qui recipiunt mysterium Incarnationis: illud enim corpus vnitum esset diuinitati hypostatici, etiamsi ab anima, & sanguine diuulsum esset, ut fuit, quando iacuit in sepulchro. Adde, quod satis probauimus supra tomum Christum esse in quavis Eucharistiae specie.

SECUNDO, probatur adoratio ex traditione Patrum: & quoniam loca plurima in 2. libro adducta, & expensa sunt, hinc satis

satis erit loca ipsa annotare. Vide Dionysium de Ecclesiastica hierarchia, cap. 3. part. 3. Clementem lib. 2. constitut. Apostol. cap. 61. Origenem homil. 5. in diuersa loca Euangelij; Cyril. Hierosolymit. Catechesi 5. mystagogica; Ambrosum lib. 3. de Spiritu sancto, cap. 12. Eusebium Emissenum homil. 5. de Paschate; Theodoretum in 2. Dialogo; Nazianzenum in oratione de sancta Gorgonia; sed duos pro omnibus audiamus. Sanctus Ioan. CHRYSOSTOMVS homil. 61. ad populu Antiochenum: *Si pura sunt vestimenta, inquit, adora, et communica.* Vide eundem homil. 83. in Matth. homil. 24. in 1. ad Corinth. homil. 3. in epist. ad Ephes. & in homil. de enceniis, & in altera de S. Philogonio. AVGUSTINVS in Psalm. 98. *Nemo, inquit, illam carnem manducat, nisi prius adorauerit.* Vide eundem epist. 118. cap. 3. epist. 120. cap. 27. in Psal. 21. con-
cione prima.

CAPUT XXX.

Soluuntur objectiones.

SUPEREST ut objectiones aduersariorum diluimus. PRIMO, Lutherus in libro ad VValdenses obiicit, in Sacramentis præcipue ad verba Sacra-
mentalia attendere oportere: & inde colligit, nō
debere homines occupari circa adorationem, ne videlicet
adorationi intenti obliuiscantur verborum.

RESPONDEO; Nititur hoc argumentum fundamento illo putrido, quod Sacraenta sint instituta ad instruendum animum, & excitandam fidem, quod millies iam refutatum est. Deinde adoratio ex verbis oritur: inde enim mouemur adorandum, quia audimus illum esse corpus Domini. Unde unum iuuatur ex altero, tantum abest, ut unum alterum impedit.

SECUNDO, obiicit idem. Adoratio ex fide procedere debet, fides autem nititur verbo Dei. Sed verbum Dei non dicit, Christum in Eucharistia esse adorandum.

RESPONDEO; Verbum Dei satis monet, & præcipit, Christum adorari debere in Eucharistia, cum docet illum verè esse Deum, & esse in Eucharistia: & alibi iubet Deum adorari.

TERTIO, obiicit Caluinus. Apostoli cum primùm com-
municarent, non leguntur prostrati in terram adorasse Sa-
cramentum.

Ooo 4. RESPON-